

沙門月言



梵網經菩薩戒本講義

釋廣化譯述

講於南普陀佛學院

夫梵網經菩薩戒者，諸大乘戒學中，最為奇特之戒法也。無論人、天、鬼、畜，不分賢、愚、貴、賤，但得有緣受此菩薩戒，皆名第一清淨者，即得入於諸佛之位，是故此經稱菩薩戒弟子為佛子。應知名為佛子終必成佛；猶如國王之子號稱王子，名為王子終必為王也。梵網菩薩戒既有如是殊勝功德，是以化不自揣愚庸，惟因利生心切，輒以此戒為本院諸學僧授課，冀諸同學，遠登覺岸。茲復將講義稿，稍事整理，借內明月刊披露，向我 教界諸長老德，請求郢政。惟願 鑒我顛誠，匡我不逮，或函示斧正，或面告其非，令此講義不至以警引盲，普願見聞同圓戒度，曷勝懇禱之至！

述者 謹啟

經前玄談

將釋此經，先作六門明義：一釋經題，二出戒體，三論功用，四辨被機，五判教相，六序淵源。

一、釋經題

甲、釋法題

梵網經盧舍那佛說菩薩十重四十八輕戒

經題共十七字，分作兩段解釋，「梵網經」三字，是一部之總名，「盧舍那佛說菩薩十重四十八輕戒」，為當品之別目。說明白點，這是梵網經的一部份，却是最重要的部份。故特別錄出作單行本，有如法華經之觀世音菩薩普門品單行流通。梵本梵網經有十萬頌、六十一品，全部翻譯應成三百卷，如茲大本，未來此土，此土僅有梵網經菩薩心地品第十，此品分上下兩卷，上卷明菩薩階位，下卷明菩薩戒法。此菩薩戒本，即自下卷菩薩戒法中節錄出來，別行流通。茲將題義分釋如次：

梵網者，摩醯首羅天大梵天王之網羅幢也，經云：「時佛觀諸大梵天王網羅幢，因為說無量世界，猶如網孔，一一世界各不同，別異無量，佛教門亦復如是。」故知經稱梵網者以喻立題也。能喻唯一，謂梵王珠網幢。其珠網幢，以無量百千萬億摩尼寶珠串成。而一一寶珠，光色不同，別異無量，互相映射，互相攝入，故每一珠，俱含眾珠之色，文彩重重，不相妨礙。所喻有二，謂世界與佛教門也。世界是所被之機，教門為能被之法。先明所被之機，法所被機，應是眾生，不言眾生，而言世界者，舉依報以該正報。所謂佛世界、菩薩、聲聞、緣覺、天、人、修羅、餓鬼、畜生、地獄等世界，凡此種種世界，皆是眾生共業和別業交織所成，別中有共，共有別，共別互緣，安立剎網，淨穢差別，無量無數。故說無量世界猶如網孔，一一世界各不同，別異無量也。次明能被之法，不稱佛法，而稱教門者，門以通達為義，謂此妙法，是通達繫滉之門也。法貴當機，機既淨穢差別，各各不同；法亦半滿偏圓，別

異無量。而三乘賢聖，依教修證，參差不同，亦復無量，故曰佛教門亦復如是。謂猶如世界，各各不同，別異無量；又謂無量世界及佛教門，猶如珠網羅幢之孔，各各不同，別異無量。是故以梵網爲喻，爲經立題。

經者梵語修多羅，具貫穿攝化等義，謂其貫穿所應知之義理，攝持所化之衆生也。意譯爲契經，謂上契諸佛之理，下契衆生之機，故名爲契；爲法爲則，今古常然，故名爲經。古來譯經師，皆畧去契字，直稱爲經。經是此土方言，如古時有四書五經。儒家註釋經字之義，訓法訓常；而佛法門三世不易即常義，十方咸遵即法義。故知直譯爲經，字雖從畧，義亦無減。凡是佛經，皆具有教、行、理三經，言教經者，大聖垂慈，隨類開示，所有言教，法界同遵，故名爲經。言行經者，一行、五行、萬行，三乘聖象之所共繇，決無異趨，故名爲經。言理經者，有佛無佛，性相常住，魔外不能令其壞，大聖不能有所作，豎窮橫遍，體極真如，故名爲經。又此方以文字爲教體，故指書本以爲經，即於書卷中，具足三經，能令衆生解其所說，即是教經，依此生善滅惡，即是行經，依此證入法性，即是理經。

梵網經者，梵網二字是別名，別餘經故；經是通名，通用一切經故也。以上釋經題竟。

盧舍那佛說者，舉教主也。盧舍那是能說之人，菩薩十重四十八輕戒，爲所說之法。盧舍那此云淨滿，謂垢障除淨，功德圓滿，故名淨滿。菩薩心地品上卷，是舍那自說；今此下卷戒法，本是釋迦所說，推功歸諸本佛，故云盧舍那佛說也。

菩薩十重四十八輕戒者，菩薩爲梵語菩提薩埵之畧譯，菩提此云佛道，薩埵此云衆生，謂能上求佛道，下化衆生者，即名菩薩也。二百五十戒，通大小乘；此五十八戒，唯制大乘，簡通取別，故標菩薩二字。十事是根本，若有犯者，不得現身發菩提心，亦失國王位、轉輪王位、亦失比丘、比丘尼位、亦失十發趣、十長養、十金剛、十地，佛性常住妙果，一切皆失，故制重名。四十八條是枝葉，唯垢心行，故立輕號。皆具孝順

、制止之義，故稱爲戒。以上釋別目竟。

簡稱梵網經菩薩戒本者，戒即是本，菩薩之戒本，亦即諸佛之本，本者根本，佛菩薩功德，從此戒生，如華嚴經云：「戒爲無上菩提本」，故名戒本。顧名思義，受了菩薩戒的人，應當一心受持淨戒，並且遵照佛制，半月半月誦戒，切勿間斷也。

諸經立題，可分七種，即人法喻，單三、複三、具足一。今此戒經，以人法喻爲題，即梵網是喻，盧舍那是人，菩薩十重四十八輕戒是法也。

乙、釋 譯 題

姚秦三藏法師鳩摩羅什譯

姚秦者，姚是姓，秦是朝代名。我國歷史上有三個朝代同名爲秦，後人稱之爲秦、前秦、後秦。又以嬴政（秦始皇）當政之古秦名嬴秦，符堅當國之前秦名符秦，姚興當國之後秦名姚秦，以利識別。此云姚秦者，即正姚興當政之時代也。三藏法師者，博通經律論三藏教理之法師也。鳩摩羅什是梵語，此云童壽，謂其童稚之年，德學已齊耆宿也。師生於龜茲國（西域國名，在今新疆省庫車縣境）。七歲出家，日誦萬偈，九歲時與外道論義，便能辯挫邪鋒。天竺諸王，皆多奉爲師，後秦符堅，聞師德譽。遣將率兵七萬赴龜茲，迎請法師，歸至中途，遇難阻滯，迄姚秦弘始三年，師方入長安，秦主姚興，厚禮優待，延居西明閣、逍遙園及草堂寺等處，計共譯經五十餘部，三百餘卷，此梵網經最後譯出，以此菩薩心地品是明菩薩戒相，印土菩薩行人，悉皆持誦，是故此經本，由什師親口誦出，與大眾共譯之，慧融、道祥等八百餘人，從其筆受，遂發心求受菩薩戒，此爲東土受菩薩戒之始也，乃別錄此品下卷，偈誦以後所說戒相，獨爲一卷，名曰「梵網經盧舍那佛說菩薩十重四十八輕戒一卷」，卷首別標當時受戒羯磨等事，謂此羯磨出梵網經律藏品，盧舍那佛爲妙海王及王子受菩薩戒法，其八百人同誦此戒本也。什師於弘始十三年寂於長安，臨終誓曰：「若吾所譯佛經無謬者，焚身之後，舌根不壞。」後來茶毘

，舌根全存，足證師所譯之經，皆符佛意也。

二、出戒體

此經以無作戒體爲體，所謂無作戒體者，天台大師云：戒體不起則已，起即性，無作假色。警公釋云：「謂此戒體，不起則已，起則全性，而性修交成，必有無作假色。假色者，性必假色法以爲表現也。無作一發任運止惡，任運作善，不俟再作，故名無作。」今此菩薩無作律儀，應以四句勝義而詮顯之：一者、本源清淨以爲其性，二者、發菩提心以爲其因，三者、三番羯磨以得其體，四者、諸佛三身以爲其果。分釋其義如次：

一、本源清淨以爲其性者，所謂諸法真實之相，不生不滅，不常不斷等，乃此戒所依之理體也。

二、發菩提心以爲其因者，被四弘誓鎧，上求下化，情期極果。如行事鈔上品心云：「若言我今發心受戒，爲成三聚戒故，趣三解脱門，正求泥洹果。又以此法引導衆生，令至涅槃，令法久住。」資持記釋云：上品中三；初門自利行，又下、明利他行，令下、明護法行。初中、成下明遠期也，上二句大乘三學，即因行也。下句求大涅槃，即果圓也。三聚戒者，出璣珞經，聚以總攝爲義，菩薩三聚攝行斯盡，一、攝律儀戒，律儀禁惡，結業煩惱究竟斷故，即止行也。二、攝善法戒，世出世間，大小修證，究竟修故，即作行也。三、攝衆生戒，一切含識究竟度故，即四攝行，亦名饒益有情戒。三解脱者，雖是觀慧，非定不發，即定慧二學，絕縛證眞，由此得入，故號三解脱門。然名通小教，今對三聚，須局大乘，一、空解脱門，即性空也，二、無相解脱門，即相空也，三、無作解脱門，即唯識也，亦名無願。泥洹者名亦通小，取大可知。「不發菩提心，不感此戒也。」

三、三番羯磨以得其體者，羯磨作法有三：

1、示名出體——芝苑云：標心期受，須識何法？謂佛出世，制立戒法，禁防身口，調伏心行，十方諸佛三乘賢

聖，並同修故，名爲聖法。今者發心，誓乘此法，作法而受，因緣和集，心境相冥，發生無作，領納在心，名爲解體。故知受時，彌須用意，一生大事，不可自輕。

2、緣境發戒——芝苑云：所緣（發戒）境者，即法界衆生，依正等法，戒依境制，體從境發，境既無量，體亦無邊。又云：緣境雖多，不出有二：一者情境，即十方三世恒沙諸佛及諸菩薩、緣覺、聲聞、諸天、世人、修羅、餓鬼、畜生、地獄、下至蚊、蛇、蚤、虱、微細昆虫、蠢動含靈，六趣之外，中陰衆生，如是等類，皆遍十方，並通三世，無量無邊，不可稱數，皆發得戒。二者非情境，謂一切世間，微塵國土，山河大地，草木花果，乃至一針一草，隨其數量，亦皆發戒。至於空有二諦，滅理涅槃，聖教經卷，聖像塔廟，地水火風等，無不發戒。必須緣此情與非情等境上，決心誓斷一切惡，誓修一切善，受持經戒，寧捨身命不犯戒，即名緣境發戒。

3、作法納體——三番羯磨，是正得戒時，切須善爲運心。警公云：初番羯磨時，十方世界妙善戒法，由心業（觀想）力，悉皆震動。二番羯磨時，十方世界妙善戒法，如雲如蓋，覆我頂上。三番羯磨時，十方世界妙善戒法，從我頂門，流入身心，充滿正報，盡未來際，永爲佛種。義疏云：大乘所明，戒是色聚，憑師一受，遠至菩提。涅槃經云：雖無形色，而可護持，雖無觸對，善修方便，可令具足。故知別有此無作戒體，從羯磨得。若自誓受者，亦從三白時得。或從見好相時得也。

大小乘戒，皆尙作無作戒體，作者受戒之時，動作於外之作業，無作者、其時領納於內之業體，（作是能造，無作是所發）若論懸防（對未來防）禁非（止現在起）之功能，實屬無作；以無作不能自生，要由作戒而發，故二由藉（作、無作），不得立一。（律鈔宗要隨講別錄）

（未完待續）